

TARIKH: 7/4/2023  
SURAT KHABAR: BERITA HARIAN  
MUKA SURAT: 9

BH Jumaat, 7 April 2023

Nasional

9

# 70,000 banduan sedia jadi pekerja

Kementerian galak majikan buka peluang tangani masalah tenaga kerja

Oleh Saadiah Ismail dan Iffah Najwa Mohd Zamri  
bhnews@bh.com.my

**Kuala Lumpur:** Lebih 70,000 banduan bersedia mengisi keperluan sumber manusia tempatan dan menggantikan pekerja asing di negara ini.

Menteri Sumber Manusia, V Sivakumar, berkata jika banduan dimanfaatkan majikan, ia dapat membantu menangani masalah kekurangan pekerja ketika ini.

Beliau berkata, Kementerian Sumber Manusia menggalakkan lebih ramai majikan membuka peluang menggaji banduan, iaitu orang di bawah parol (ODP) atau orang diselia (ODS) dan bekas banduan, berbanding meng-



Sivakumar menyaksikan pemeteraian Nota Kolaborasi antara PERKESO dan Jabatan Penjara yang diwakili Mohammed Azman dan Nordin di Kuala Lumpur, semalam.

(Foto Aziah Azmee/BH)

gaji pekerja asing.

“Langkah ini juga seiring dengan hasrat kerajaan untuk mewujudkan peluang pekerjaan

bersasar kepada golongan mudah terjejas seperti yang digariskan di bawah Belanjawan 2023.

“Tahun ini, kita menyasar-

kan seramai 15,000 banduan akan mendapat pekerjaan menerusi kerjasama strategik yang dilakukan di antara Pertubuhan

Keselamatan Sosial (PERKESO) dan Jabatan Penjara,” katanya di sini, semalam.

Yang turut hadir, Komisioner Jeneral Penjara, Datuk Nordin Muhamad; Pengerusi PERKESO, Datuk Seri Subahan Kamal dan Ketua Eksekutif PERKESO, Datuk Seri Dr Mohammed Azman Aziz Mohammed.

**588 banduan dapat tawaran**

Sivakumar berkata, seramai 588 banduan, termasuk pelatih Sekolah Henry Gurney dan bekas banduan, berjaya mendapat tawaran dan penempatan pekerjaan menerusi kerjasama PERKESO dan Jabatan Penjara.

“Daripada jumlah itu, 409 bekas banduan, empat banduan luar penjara dan 135 penghuni Sekolah Henry Gurney.

“Dalam tempoh yang sama, majikan yang mengambil peluang di bawah program Insentif Penggajian dengan memberi latihan dan advokasi pula berjumlah 234 ODP dan ODS,” katanya.

Sementara itu, Nordin berkata, sejak 2021, seramai 4,019 orang penghuni penjara sudah mendapat manfaat menerusi kerjasama dengan PERKESO.